

Xpresa bo mes

“Divide and conquer” t’e strategia cu ta wordo aplica contra San Nicolas

N’e Grupo di De Vuyst cu no ta compronde nan tactica

Pa: Antoni Gario

Ta un realidad berdad cu tur barío tin nan aspectonan bon, y tambe nan aspectonan menos bon. Pero tambe ta berdad cu San Nicolas sa wordo tilda di hopi cos cu por wordo evita tambe si nos pensa un tiki hunto y stop di laga mal indoctrinacion sigi sofoca nos y pone nos mes contra otro.

Un grupo yama comision De Vuyst cu a sali na defensa di su yiunan pa motibo cu ami, Antoni Gario a expresa na radio cu De Vuyst tin zware jongens y cu cos “por” sali fo’i man cu Calypso Contest pariba den nan cas.

T’asina cu De Vuyst tin mas bien mas di “Body Guardnan” di San Nicolas ta biba y nos tur aki riba sa cu ta mihor pa bo ta un amigo di De Vuyst y no un enemigo, punt uit! Na otro banda si cu hasta si nada no pasa mes di parti di De Vuyst, toch tin basta barío cu tin “algo” contra e De Vuyst Boys y cu lo ta un oportunidad perfecto pa hecha bania aya riba durante contest, p’e culpa wordo tira riba De Vuyst, style di “get even” cu nan pa “whatever” problema bieuw cu a wordo forma anteriormente.

Shonnan, dolor di cabes ta cos di haya, no busca! Lamentablemente tin hende den Comision De Vuyst cu no a pensa un tiki mas leu prome cu lansa critica den mi direccion ta net locual e sistema kier wak, un San Nicolas dividi (manera semper). Ami, Antoni Gario nunca a laga De Vuyst afo di ningun desaroyo dimi of di San Nicolas si en caso “Comision De Vuyst” no ta na altura. Semper cu mi sali cu un T-shirt nobo, number di De Vuyst ta riba dje CLAVE!

Den mi shout outs (saludos pa diferente barío) semper De Vuyst ta den. Ami sa e balor di tin un role model ora bo lanta sin tata of den un Internat y den mi e De Vuyst Boys nan tin esey.

E respet cu nan a mustami durante mi carera musical completo, te awor, ta solido y ningun comision na mundo por kibra esey. Hopi intento mi a haci pa uni e barionan aki riba, manera poniendo De Vuyst, La Vilage, Rooi Hundo y Bev-



erly Hills hunto riba un Camisa di Carnaval. Bo mester conoce bo cura di cas asina bon sikiera pa bo por cana anochi tambe sin trompeca.

Un tin un alma mas contento cu SAC awor cu e atencion a bay den e direccion aki, pa asina kita e presion di riba nan lomba cu nan super mal desicion di pone Calypso aya riba, pero tempo lo indica si nan ta fayando of no. Hopi biaha nos ta dicidi cos pa mal motibo y sali malo na final cual kizas t’e intencion unico di SAC den tur esaki, p’e evento bay ‘no mucho bon’ pa despues tin un motibo di hib’e pabao manera tabata e caso cu Calypso di Mucha cu NUNCA MAS A BIN BEK Ariba despues cu sra. Tecla Kelly, (madrina di CD di Le Groove porcierto) a bisa cu e evento lo bin bek pariba despues di un aña, boodoow!!!!!!!!!!!! Nunca mas.

Awor atrobe ta core firma acuerdo di 225 mil florin si un hende kibra e contract di Lago Heights. Pa termina, ken por kere cu e containernan y e trabao pa pone nan y hiba nan bek ta “sponsor” Halloooooooo?? Na favor of dark deals e cos ey ta sali SAC mas cu sinta na mesa y yega na un acuerdo cu ASU, wan’na bet? Pero ya, ta forma di traha di cada ken y ken ta sufri? Carnaval di Aruba, su cultura y San Nicolas.